

Broj predmeta : UP1-13-26-6-03302/2015-01  
Sarajevo, 21.5.2015. godine

28.05.2015

02-23 - 637/15

Federalni inspektor za zaštitu prirode Federalne uprave za inspeksijske poslove, po službenoj dužnosti, u predmetu inspeksijskog nadzora iz oblasti zaštite prirode na osnovu člana 214. i 216. Zakona o zaštiti prirode ("Službene novine Federacije Bosne i Hercegovine", br. 66/13), člana 117. i 118. Zakona o inspekcijama Federacije Bosne i Hercegovine (Sl. novine FBiH 73/14), člana 125. Zakona o organizaciji organa uprave u Federaciji Bosne i Hercegovine („Službene novine Federacije BiH, br.35/05) i na osnovu člana 200. Zakona o upravnom postupku („Službene novine Federacije BiH“, broj: 2/98, 48/99), rješavajući u prvostepenom postupku po nalazu kod Općine Fojnica, Spomenik prirode „Prokoško jezero“, donosi:

## RJEŠENJE

**Naređuje se** : Općini Fojnica, Spomenik prirode „Prokoško jezero“ , kao pravnom licu i općinskom načelniku Merdžanić Salkanu, kao odgovornom licu u pravnom licu da:

1. Odluku o privremenom upravljanju Spomenikom prirode „Prokoško jezero“ uskladi sa Planom upravljanja u cilju sprječavanja zauzimanja zemljišta od strane lokalnog stanovništva u zaštićenom području;
2. Akcioni plan Općine uskladi sa Planom upravljanja Spomenikom prirode „Prokoško jezero“;
3. Zaustavi izgradnju svih kamenih i zidanih podzida, različitih postolja, terasa, ograda, posebno u dijelovima slivnog područja potoka koji napajaju jezero, gdje dolazi do narušavanja prirodnog hidrološkog režima;
4. Zabrani korištenje materijala koji nisu prirodni i koji narušavaju ambijentalne vrijednosti;
5. Zabrani korištenje boja na drvenim površinama, koje narušavaju ambijentalne vrijednosti;
6. U određenom roku evidentira sve objekte i naloži uklanjanje svih odstupanja od autentičnog izgleda;
7. Dogovori sa korisnicima zemljišta izmještanje „poljskih toaleta“;
8. Riješi vlasničke odnose katuna koji se ne koriste;
9. Povede računa o daljem toku izgradnje objekta planinarskog doma.

**Rok izvršenja** je 60 (šezdeset) dana.

Obavezuje se Općina Fojnica, da u Federalnu upravu za inspeksijske poslove, Šumarski inspektorat, Federalnom inspektoru za zaštitu prirode, dostavi obavijest o izvršenju naloženih radnji u roku od 8 (osam) dana, od dana isteka roka za ispunjenje obaveza.

## OBRAZLOŽENJE

Prilikom inspekcijskog pregleda započetog dana 04.05.2015. godine, inspekcijskim zapisnikom broj UP1-13-26-6-00006/2015-1307-P, od 04.05.2015. godine, između ostalog, konstatovano je slijedeće:

- Na području Spomenika prirode „Prokoško jezero“ uočen je znatan broj radnji koje narušavaju prirodni hidrološki režim, kao i određeni broj objekata koji svojim izgledom narušavaju ambijentalne vrijednosti. Inspektor zaštite prirode je uočio izgradnju kamenih i zidanih podzida, postolja, terasa i ograda, te korištenje materijala i boja za krovove i ograde, koje se ne uklapaju u prirodni ambijent. Uočena je i izgradnja objekta, planinarski dom, pri čemu je korišten materijal koji se ne uklapa u ambijentalne vrijednosti-beton, te samim tim nije u skladu sa Planom upravljanja i mjerama zaštite zaštićenog područja. Njegova eventualna dalja gradnja, ukoliko za isti postoje adekvatne dozvole, mora biti od prirodnih materijala, uklopljena u ambijent, kako ne bi narušavala ambijentalne vrijednosti. Općina Fojnica, privremeni upravitelj Spomenika prirode „Prokoško jezero“, dužna je postupati po Planu upravljanja slijedeći mjere zaštite zaštićene prirodne vrijednosti Spomenik prirode „Prokoško jezero“ u cilju daljeg spriječavanja ugrožavanja ove zaštićene prirodne vrijednosti, a što je regulisano članom 155. i 157. Zakona o zaštiti prirode ("Službene novine Federacije Bosne i Hercegovine", br. 66/13);

Imajući u vidu gore navedeno, shodno članu 155. i 157. i članu 214. i 216. Zakona o zaštiti prirode ("Službene novine Federacije Bosne i Hercegovine", br. 66/13), te članu 117. i 118. Zakona o inspekcijama Federacije Bosne i Hercegovine („Službene novine Federacije Bosne i Hercegovine“, broj: 73/14), Federalni inspektor za zaštitu prirode je donio rješenje kao u dispozitivu.

### **Pouka o pravnom lijeku:**

Protiv ovog rješenja može se izjaviti žalba Federalnom ministarstvu okoliša i turizma, u roku od 8 (osam) dana od dana prijema rješenja. Žalba se ulaže putem ove Uprave usmeno na zapisnik, pismeno ili putem pošte, taksirana sa 15 KM upravnih pristojbi shodno Tarifi broj 3. Zakona o federalnim upravnim pristojbama i tarifi federalnih upravnih pristojbi ("Službene novine FBiH broj 6/98 i 8/00) uplatom u korist budžeta Federacije BiH na ž.r. broj 1020500000106698, vrsta prihoda 722112 (federalne administrativne pristojbe).

### **Dostavljeno:**

1 x Općina Fojnica, Spomenik prirode  
„Prokoško jezero“, Bosanska 94  
1 x FUZIP, Šumarski inspektorat  
1 x Arhiva



**Federalni inspektor zaštite prirode**

*Adisa Marshall*  
**Adisa Marshall**